



Broj: 02/3-50-8-24-18,17/25
Sarajevo, 24. 4. 2025.

IZVJEŠTAJ O RADU
KOMISIJE ZA FINANSIJE I BUDŽET DOMA NARODA
PARLAMENTARNE SKUPŠTINE BiH
ZA PERIOD OD 1. 1. 2024. DO 31. 12. 2024.

Sarajevo, decembar 2024. godine

SADRŽAJ

POGLAVLJE I. UVODNI DIO

POGLAVLJE II. IZVJEŠTAJ O AKTIVNOSTIMA KOMISIJE

Odjeljak A. Zakonodavne aktivnosti

Odjeljak B. Izvještaji o radu, finansijski izvještaji i proces revizije

Odjeljak C. Ostali izvještaji i drugi akti

Odjeljak D. Akti Komisije

POGLAVLJE III. SARADNJA S DRUGIM TIJELIMA I INSTITUCIJAMA

POGLAVLJE IV. SAŽETAK

Na osnovu člana 27. stav (2) Poslovnika Doma naroda Parlamentarne skupštine Bosne i Hercegovine („Službeni glasnik BiH“, br. 58/14, 88/15, 96/15 i 53/16), Komisija za finansije i budžet podnosi Domu naroda Parlamentarne skupštine BiH

IZVJEŠTAJ O RADU

Komisija za finansije i budžet Doma naroda za period od 1. 1. do 31. 12. 2024.

I. UVODNI DIO

Komisija za finansije i budžet Doma naroda Parlamentarne skupštine BiH (u daljnjem tekstu: Komisija) stalno je radno tijelo Doma naroda Parlamentarne skupštine BiH (u daljnjem tekstu: Dom naroda).

Djelokrug Komisije određen je članom 41. Poslovnika Doma naroda, prema kojem Komisija razmatra pitanja koja se odnose na: Centralnu banku, bankarstvo, osim bankarske politike, vanjski dug, finansiranje institucija BiH - oporezivanjem, akumulacijom duga ili drugih sredstava; funkcioniranje finansijskih institucija na nivou Bosne i Hercegovine; propise iz oblasti finansija i budžeta; razmatranje, izvršenje i nadzor nad izvršenjem budžeta BiH; razmatranje odluka o akumulaciji duga, javnim zajmovima i drugim finansijskim obavezama Bosne i Hercegovine, izvještaji Ureda za reviziju institucija BiH, praćenje realizacije preporuka iz revizorskog izvještaja PSBiH i, u saradnji sa Zajedničkom komisijom za administrativne poslove, preduzima potrebne mjere za otklanjanje nedostataka utvrđenih u revizorskom izvještaju; međuparlamentarnu saradnju sa sličnim komisijama drugih zemalja i druga pitanja iz oblasti finansija i budžeta, u skladu s Poslovníkom Doma naroda.

Komisija za finansije i budžet Doma naroda Parlamentarne skupštine BiH konstituirana je 2. 3. 2023.

U izvještajnom periodu Komisija je održala tri sjednice, s ukupno 20 tačaka dnevnog reda.

Sjednicama Komisije u prosjeku je prisustvovalo pet članova.

POGLAVLJE II. IZVJEŠTAJ O AKTIVNOSTIMA KOMISIJE

U navedenom periodu Ured sekretara Komisije aktivno je učestvovao u pripremi i održavanju sjednica Komisije. Sjednicama Komisije u prosjeku je prisustvovalo pet članova. Od ukupno 20 tačaka dnevnog reda razmatranih na sjednicama Komisije, njih 15 razmatrano je i na sjednicama Doma naroda PSBiH. Sjednice su održavane po sljedećem redu:

Broj sjednice	Datum	Broj razmatranih tačaka	Prisustvo članova
13.	30. 1. 2024.	6	5
14.	18. 3. 2024.	3	5
15.	7. 11. 2024.	11	5

Odjeljak A. Zakonodavne aktivnosti

U skladu s nadležnostima Komisije utvrđenim članom 41. Poslovnika Doma naroda Parlamentarne skupštine BiH („Službeni glasnik BiH“, br. 58/14, 88/15, 96/15 i 53/16), u navedenom periodu Komisija je razmatrala jedan prijedlog zakona u prvoj fazi u komisiji, koji je dva puta dobio negativno mišljenje Komisije.

Razmatran je jedan prijedlog zakona:

1. Prijedlog zakona o dopunama Zakona o administrativnim taksama (prvo čitanje), predlagač: Vijeće ministara BiH, broj: 01-02-1-929/24 od 10. 5. 2024.

Za zakon razmatran u Komisiji Ured sekretara izradio je i dostavio mišljenje Domu naroda.

Odjeljak B. Izvještaji o radu, finansijski izvještaji i proces revizije

U izvještajnom periodu na sjednicama Komisije razmatrani su sljedeći izvještaji o aktivnostima institucija BiH, kao i finansijski izvještaji koji spadaju u nadležnost Komisije:

- 1) Izvještaj o provedenoj reviziji učinka o temi: „Aktivnosti institucija BiH na osiguravanju rodne ravnopravnosti“, podnosilac: Ured za reviziju institucija BiH, broj: 02-16-10-2675/23 od 21. 12. 2023.
- 2) Izvještaj o provedenoj reviziji učinka o temi: „Uvođenje softverskih rješenja“, podnosilac: Ured za reviziju institucija BiH, broj: 02-16-10-2676/23 od 21. 12. 2023.
- 3) Program rada s godišnjim planom revizije Ureda za reviziju institucija BiH za 2024. godinu, podnosilac: Ured za reviziju institucija BiH, broj: 02/3-16-9-55/24 od 3. 1. 2024.
- 4) Izvještaj o provedenoj reviziji učinka o temi: „Povjereni javni poslovi iz nadležnosti institucija BiH – studija slučaja: Ministarstvo komunikacija i prometa BiH“, podnosilac: Ured za reviziju institucija BiH, broj: 02-16-10-146/24 od 16. 1. 2024.
- 5) Izvještaj o provedenoj reviziji učinka o temi: „Upravljanje voznim parkom u institucijama BiH“, podnosilac: Ured za reviziju institucija BiH, broj: 02-16-10-147/24 od 16. 1. 2024.

- 6) Godišnji izvještaji Centralne banke Bosne i Hercegovine za 2023, broj: 02-16-1-699/24 od 29. 3. 2024, podnosilac: Centralna banka BiH
- 7) Izvještaj o provedenoj reviziji učinka o temi: „Nabavka aviokarata u institucijama Bosne i Hercegovine“, podnosilac: Ured za reviziju institucija BiH, broj: 02-16-10-1102/24 od 3. 6. 2024.
- 8) Izvještaj o radu Ureda za razmatranje žalbi BiH za 2023. godinu, broj: 01,02-50-17-1437/24 od 23. 7. 2024.
- 9) Godišnji konsolidirani izvještaj interne revizije za 2023, broj: 01,02-16-1-1147/24 od 11. 6. 2024, podnosilac: Ministarstvo finansija i trezora BiH
- 10) Izvještaj o pregledanom stanju finansijskog poslovanja političkih stranaka u 2021. godini, broj: 01,02-07-4-1183/24 od 19. 6. 2024, podnosilac: Centralna izborna komisija BiH
- 11) Informacija o raspodjeli i korištenju sredstava tekuće budžetske rezerve za 2023. godinu, podnosilac: Ministarstvo finansija i trezora BiH, broj: 01,02-16-1-1094/24 od 30. 5. 2024.

Odjeljak C. Ostali izvještaji i drugi akti

Komisija je u okviru svojih nadležnosti razmatrala i druge vrste izvještaja, informacija i dokumenata, od kojih izdajamo samo najznačajnije:

- 1) Izvještaj o radu Komisije za finansije i budžet Doma naroda za 2023. godinu
- 2) Orijentacioni radni plan Komisije za finansije i budžet Doma naroda za 2024. godinu
- 3) Nacrt budžeta Ureda za reviziju institucija BiH za 2025. godinu, broj: 01/4-16-10-1658/24 od 2. 9. 2024, podnosilac: Ured za reviziju institucija BiH
- 4) Izvještaj o aktivnostima Ureda za reviziju institucija BiH za 2023. godinu, broj: 02/4-16-10-714/24 od 2. 4. 2024.
- 5) Konsolidirani godišnji izvještaj o sistemu finansijskog upravljanja i kontrole u institucijama BiH za 2023, broj: 01,02-16-1-1146/24 od 11. 6. 2024, podnosilac: Ministarstvo finansija i trezora BiH

Odjeljak D. Akti Komisije

U izvještajnom periodu Ured sekretara učestvovao je u obradi i pripremi sljedećih akata koje je Komisija razmatrala:

- jedan prijedlog zakona.

U vezi s navedenim, Ured je izradio i pripremio Komisiji za usvajanje:

- 11 mišljenja;
- 15 informacija/obavještenja/zahtjeva.

POGLAVLJE III. SARADNJA S DRUGIM TIJELIMA I INSTITUCIJAMA

Ostvarena je stalna komunikacija i veoma uspješna saradnja sa svim relevantnim institucijama čija se oblast djelovanja podudara s nadležnostima Komisije. Ta se saradnja, prije svega, odnosi na Vijeće ministara BiH, Ministarstvo finansija i trezora BiH, Centralnu banku BiH, Ured za reviziju institucija BiH, Agenciju za javne nabavke BiH, odnosno ministarstva te agencije i druga tijela Vjeća ministara.

Predstavnici navedenih institucija su redovno i pravovremeno obavještavani o radu Komisije te su redovno učestvovali na sjednicama kada su razmatrane tačke dnevnog reda, odnosno materijali iz njihove nadležnosti.

Osim toga, ostvarena je veoma dobra komunikacija, saradnja i koordinacija s drugim komisijama te sektorima i odjelima Sekretarijata Parlamentarne skupštine BiH, a sve s ciljem pravovremenog i efikasnog obavljanja aktivnosti iz nadležnosti Komisije.

Redovno je praćen rad svih drugih komisija Paralamentarne skupštine BiH, a naročito Ustavnopravne komisije Doma naroda i Komisije za finansije i budžet Predstavničkog doma, sve s ciljem kvalitetnog, profesionalnog i pravovremenog izvršavanja zadataka i obaveza iz nadležnosti Komisije. Također je redovno praćen rad Doma naroda PSBiH i Predstavničkog doma PSBiH.

POGLAVLJE IV. SAŽETAK

Komisija će u 2025. godini nastaviti s aktivnostima na usklađivanju zakonodavstva s međunarodnim konvencijama i integracijskim procesima, uz kontinuirano jačanje saradnje s institucijama BiH, kao i međunarodnim i nevladinim sektorom.

Također, Komisija planira aktivno učestvovati u pripremi TAIEX projekta s ciljem unapređenja procesa revizije na nivou institucija Bosne i Hercegovine, što bi doprinijelo jačanju transparentnosti i efikasnosti u javnom sektoru.

Predsjedavajući
Komisije za finansije i budžet
Nenad Vuković